

31  
1. marz

## JARÐRÆKTARSAMÞYKKT

fyrir Búnaðarfélag Djúpárhrepps í Rangárvallasýslu.

### I. KAFLI

**Takmörk samþykkatarsvæðisins og markmið samþykkatar.**

#### 1. gr.

Samþykkatarsvæðið nær yfir félagssvæði Búnaðarfélags Djúpárhrepps.

#### 2. gr.

Búnaðarfélagið tekur að sér, á þann hátt sem fyrir er mælt í samþykkt þessari, eftirgreind verkefni á öllum jörðum á samþykkatarsvæðinu, að undanskildum þeim, er falla undir ákvæði IV. kafla jarðræktarlaga, nr. 45 17. maí 1950, um búferlaflutning:

1. Að ræsa fram lönd til túnræktar, garðræktar, engjaræktar og beitiræktar. Tekur framkvæmd verksins til fullnaðarframræslu á landinu, að opnum skurðum og lokræsum, þar sem þess er þörf.
2. Að framkvæma jarðvinnslu á tünnum jarða á samþykkatarsvæðinu, sem ekki eru véltæk. Nær það til fullnaðarvinnslu landsins.
3. Að taka að sér jarðvinnslu til nýræktar túna og garða. Nær það til fullnaðarvinnslu landsins.
4. Að framkvæma sléttun engja, svo þær verði véltækar, hvort heldur það er gert með völtun, vinnslu lands, flóðgarðahleðslu eða öðrum aðferðum eftir fyrir-sögn hlutaðeigandi héraðsráðunauts eða trúnaðarmanns Búnaðarfélags Íslands.

### II. KAFLI

**Skipun og verksvið framkvæmdastjórnar.**

#### 3. gr.

Stjórn búnaðarfélagsins fer með öll þau mál, er samþykkt þessi fjallar um. Skal stjórnin annast kaup á nauðsynlegum vélum og verkfærum til skurða- og lokræsagerðar, svo og á jarðvinnsluvélum, en skylt er henni, sbr. 8. gr. laga um jarðræktar- og húsagerðarsamþykktir í sveitum, að hafa samráð við vélaneftnd ríkisins um kaup og val vélanna.

#### 4. gr.

Stjórnin sér um kaup á öllu því, er með þarf til reksturs og viðhalds þeim vélum og áhöldum, er keypt verða. Henni ber að hafa þau tryggð fyrir fjárhæð, er svarar til verðgildis þessara eigna, eins og þær eru á hverjum tíma.

#### 5. gr.

Stjórnin annast um allan rekstur vélanna. Henni ber að gera alla verktökusamninga við hina einstöku framkvæmdaaðila á samþykkatarsvæðinu og ákveður á hverjum tíma og í hverri röð verkefnin eru tekin, sem unnið skal að.

#### 6. gr.

Stjórnin ræður starfsmenn og ákveður launakjör þeirra. Heimilt er stjórninni að ráða framkvæmdastjóra til eins árs í senn. Getur hún með erindisbréfi falið honum framkvæmdastjórn um daglegan rekstur og umsjón með verkstjórn vinnuflokka.

## 7. gr.

Allir samningar, er stjórnin og framkvæmdastjóri gera fyrir hönd félagsins samkvæmt samþykktum þessum eða ályktunum aðalfundar félagsins, eru skuldbindandi fyrir félagsheildina, án þess að þeir hafi verið sérstaklega undir hana bornir. Stjórn og framkvæmdastjórn bera ábyrgð gerða sinna fyrir aðalfundi búnaðarfélagsins.

31

1. marz

## III. KAFLI

## Um tilhögun framkvæmda.

## 8. gr.

Skyllt er stjórn búnaðarfélagsins, fyrir febrúarlök ár hvert, að skrá verkbeiðnir félagsmanna. Skal þar tilgreint hverjar jarðabætur óskað er að unnar séu á því ári, svo og verkmagn þeirra. Skýrslunni fylgi, frá verkkaupendum, greiðsluskuldbinding hvers fyrir sig.

## 9. gr.

Að fengnum skýrslum þeim, er um ræðir í 8. gr., ber stjórn búnaðarfélagsins að semja starfs- og rekstursáætlun fyrir yfirstandandi ár. Rísi ágreiningur innan búnaðarfélagsstjórnar um veigamikil atriði framkvæmdaáætlunar, ber að leggja hana fyrir aðalfund búnaðarfélagsins til úrskurðar. Framkvæmdastjórn er skyllt að framfylgja samþykkttri starfsáætlun eftir því sem við verður komið.

## 10. gr.

Við undirbúning framkvæmdaáætlunar sé þess sérstaklega gætt:

- a. Að haga skurðagerð (sem verður aðalatriðið) þannig, að engjalönd á samþykktarsvæðinu komi að sem beztum notum, bæði með áveitu og framræslu.
- b. Að framræsla bithaga komi að jafnaði því aðeins til greina, að fullnægt hafi verið framræsluverkefnum vegna engja-, túna- og garðræktar.

## IV. KAFLI

## Um verðlagsáskvarðanir og greiðslu kostnaðar.

## 11. gr.

Kostnaður við framkvæmdir, er í samþykkt þessari getur, greiðist á eftirgreindan hátt:

- a. Sameiginleg framræsla fleiri jarða greiðist af þeim, er hags njóta af framkvæmdinni, eftir flatarmáli þess lands, er nýtur hags af verkinu; þó skal tekið tillit til, ef um einhverja sérstöðu er að ræða. Ef ágreiningur verður um þessi atriði, skal úr honum skorið með hagnaðarmati tveggja óvilhallra dómkvaddra manna.
- b. Framkvæmdir á einstökum jörðum skulu greiðast af verkkaupanda, eftir þeim skildaga og á þann hátt, sem fram verður tekið í verktökusamningi. Heimilt er stjórn búnaðarfélagsins að láta greiðslu fara fram eftir áætluðum verktöxtum, meðan verkið stendur yfir ár hvert, en fullnaðargreiðsla sé byggð á tilkostnaðarverði eins og það verður samkvæmt rekstursreikningi hvers árs. Áætlaðir verktaxtar séu miðaðir við tímaeiningu.

## 12. gr.

Til reksturskostnaðar telst greiðsla vinnulauna, allur reksturskostnaður véla og greiðsla fyrningargjalds af þeim, kostnaðar við flutning þeirra milli vinnustaða, viðhald véla, er stafar af eðlilegu sliti þeirra, vaxtagreiðslur, kostnaður við verkstjórn og stjórnarkostnaður. Heimilt er búnaðarfélagsstjórn að ákveða og leggja á framkvæmdakostnað áhættuþóknun, er nemi allt að 5% af heildarreksturskostnaði hvers árs.

31

1. marz

Heimilt er búnaðarfélagsstjórn á þeim tímum, sem ekki er unnt að vinna að skurðgrefti, lokræsagerð eða jarðvinnslu fyrir samþykktaraðila, að taka að sér verkefni í ákvæðisvinnu eða tímavinnu fyrir búendur, hreppsfélag eða aðra aðila á samþykktarsvæðinu eða utan þess, þó þau falli ekki undir ákvæði 2. gr., ef tryggt er að það sé hagkvæmt fyrir búnaðarfélagið, enda sé tryggt að vélakostur sé ekki festur við þessi störf, svo að það brjóti í bága við hagsmuni samþykktaraðila.

13. gr.

Rekstursafgangur af áhættuþóknun, svo og ef ágóði verður af ákvæðisvinnu eða þeim verkum, er um getur í 13. gr., skal leggjast í stofnsjóð félagsins, og varið samkvæmt ákvæðum þeim, er um hann gilda, sbr. 15. gr.

## V. KAFLI

### Fjáröflun og tryggingar.

15. gr.

Búnaðarfélagið myndar stofnsjóð til vélakaupa. Stofnfjárhæð hans er kr. 260 000 — tvö hundruð og sextíu þúsund krónur —.

- a. Helmingur stofnsjóðsins er framlag framkvæmdasjóðs ríkisins samkv. ákvæðum 9. gr. laga um jarðræktar- og húsagerðarsamþykktir í sveitum. Renni framlagið í stofnsjóð jafnóðum og það greiðist sem styrkur til vélakaupa félagsins.
- b. Hinn hluti stofnfjárins skal lagður fram af búnaðarfélaginu sem óafturkræft fé.
- c. Auk þess leggist í stofnsjóð árlegar tekjur þær, sem inn koma samkv. ákvæðum 14. gr.

16. gr.

Stofnfjárframlag búnaðarfélagsins greiðist þá er samþykkt þessi hefur öðlazzt gildi.

17. gr.

Komi í ljós síðar, að álitu búnaðarfélagsstjórnar, að auka þurfi stofnsjóð, ber henni að gera rökstuddar tillögur um stofnfjárukningu til aðalfundar, sem ákveður stofnfjárukningu.

18. gr.

Heimilt er framkvæmdastjórn að taka reksturslán gegn tryggingu í þeim jarðræktarstyrk, er á umbæturnar verður greiddur úr ríkissjóði samkv. ákvæðum II. kafla jarðræktarlaga.

19. gr.

Skylt er samþykktaraðilum að hafa greitt til búnaðarfélagsstjórnar  $\frac{3}{4}$  af áætluðu kostnaðarverði, að frádregnum jarðabótastyrk þeirrar vinnu, er þeir hafa pantað, áður en verkið er hafið. Eftirstöðvar greiðast með gjalddaga, er viðtökusamningur ákveður.

## VI. KAFLI

### Um reikningshald og endurskoðun.

20. gr.

Reikningsár félagsins er almanaksárið og skal reikningum lokið svo tímanlega, að endurskoðun geti farið fram áður en hinn árlegi aðalfundur búnaðarfélagsins er haldinn eða fyrir aprílmánaðarlok. Skulu endurskoðendur sannprófa að reikningum beri saman við bækur stjórnarinnar.

## 21. gr.

31

Endurskoðendur séu tveir, kjörnir á aðalfundi búnaðarfélagsins til eins árs í senn. Þeir skulu kynna sér reksturinn sem bezt, og hafa eftirlit með starfrækslu félagsins í hvívetna. 1. marz

## 22. gr.

Endurskoðaðir reikningar skulu lagðir fram til samþykktar á aðalfundi búnaðarfélagsins. Þar gefur framkvæmdastjórn skýrslu um starfsemina, svo og endurskoðendur, ef tilefni er til þess.

## VII. KAFLI

## Um breyting samþykktar og hvernig samþykkt verði úr gildi felld.

## 23. gr.

Tillögur, er fram kunna að koma til breytinga á samþykkt þessari, skulu lagðar fyrir aðalfund félagsins. Samþykki löglegur aðalfundur breytingarnar með að minnsta kosti  $\frac{2}{3}$  atkvæða, skal stjórnin senda breytingarnar Búnaðarfélagi Íslands, er leitar staðfestingar landbúnaðarráðherra á þeim.

## 24. gr.

Samþykktir þessar má því aðeins nema úr gildi, að rökstutt álit meiri hluta samþykktaraðila liggi fyrir um að tilgangi samþykktar verði ekki náð, og lögmætur aðalfundur búnaðarfélagsins samþykki það með að minnsta kosti  $\frac{2}{3}$  atkvæðisbærra fundarmanna, enda komi samþykki landbúnaðarráðherra til.

## 25. gr.

Með brot á samþykkt þessari skal farið sem almenn lögreglumál.

## 26. gr.

Samþykkt þessi gengur í gildi er hún hefur verið staðfest af landbúnaðarráðherra.

Samþykkt þessi, sem er sett samkvæmt lögum nr. 7 12. jan. 1945, um jarðræktar- og húsagerðarsamþykktir í sveitum, með áorðnum breytingum, og reglugerð um jarðræktarsamþykktir frá 20. febrúar 1946, staðfestist hér með til að öðlast gildi þegar í stað, og birtist til eftirbreytni öllum þeim, er hluta eiga að máli.

*Landbúnaðarráðuneytið, 1. marz 1951.*

**Hermann Jónasson.**

Árni G. Eylands.

## AUGLÝSING

32

## um nýja lyfsöluskrá I.

9. marz

Frá og með 15. marz 1951 gengur í gildi ný lyfsöluskrá I, útgefin af þessu ráðuneyti 8. þ. m.

*Heilbrigðismálaráðuneytið, 9. marz 1951.*

**Steingrímur Steinþórsson.**

Gústav A. Jónasson.